

इव इ मि

पद्मरत्न तुलाधर

साहित्यया मूलुखा

सफूया नां:- बुलुमि (नेपाल भाषाया निबन्ध पुत्रः)

सफू च्वमि:- पद्मरत्न तुलाधर (जन्म १०६२ सिपुह्री
ह्माय्कं त्वाः, ये ।)

सफू च्वगु ई:- १०७६-१०८१ या दुने (नेपाल सम्बत)

सफूया हामा:- च्वमि थःहे

ह्मापागु प्रकाशन:- लूजः प्रकाशन (१०८३ चकंपुह्री), ये ।

निक्वःगु प्रकाशन:- साहित्यया मूलुखा, बखुंवाहाः, यल ।
ने. सं. ११००, ५०० गू प्रति

मुद्रक:- रत्न प्रिन्टिङ्ग प्रेस, इखाछेँ, यल फोन नं. २१८७५ ।

सफूया मू:- न्यातका (५/-)

पिकाकः पाखें

पासा पद्मरत्न तुलाधरया 'बुलुलि' नेपाल भाषा साहित्य छयल्य् छगू ग्यसु लागु निवन्ध सफू खः । ह्लापांगु प्रकाशन फुना-थ्व सफू स्वयं मखना, ब्वने मखना च्वंपि विद्यार्थी पासापि व नेपाल भाषा भाषिपिनिगु अनुरोधकथं थ्व निक्वगु प्रकाशन मूलुखा पाखें पिथने दया जिपि लय्ता । थथे निक्वगु प्रकाशन या रूप्य् पिथनेत अनुमति बिया दचूगुलि पासा पद्मरत्न तुलाधरजु यात भितुना-नापं याकनं न्हूगु सफू पिथनेत लःह्लाना दी धैगु भलसा दु ।

थ्व सफू पिथनेत धेबाया भाला क्वबुयादीह्य मूलुखाया छ्याञ्जे भाजु रोहिणीवहादुर कायस्थ व थासा बांलाकेगु ज्याय् ग्वहालि याना दचूपि रत्न प्रिन्टिङ्ग प्रेसया सकल पासापिन्त सुवा ! जय मां भाय् ।

ने. सं. १९०० श्रावण ९

बखुंबाहाः, यल ।

छत्रवहादुर कायस्थ

अध्यक्ष

साहित्यया मूलुखा

चुरोटया कुँ

चुरोटया कुँ जि तःको मछि खने धुन । लैय् ज्वीपि छम्ह
छम्ह मनूतय् म्हुतुं, मचां निसें कया ल्याय्हा बुढा तकया म्हुतुं
पिहाँ वइगु चुरोटया कुँ जि न्ह्याबलें खं । अले चुरोटया कुँ जि
न्ह्याहा पासाया म्हुतुं नं पिहाँ वोगु खं । न्हापा लिपा चुरोटया कुँ
नाप जितः छुं वास्ता मदु । न्हापा लिपा चुरोटया कुँ खंसां छुं
बिचाः मवो । चुरोटया कुँ उबले जिगु नुगः साले मफु । तर थौं
छाय् छाय्, गय् गय् छम्ह पासाया म्हुतुं पिहाँ वया च्वंगु कुँ जिगु
नुगः साला काल, जितः छुं बिचाः याकल । पासाया म्हुतुं
चुरोटया कुँ चाक चाक लाना पिहाँ वया च्वन । छगू कथंया
कलाया प्रदर्शन । जि दर्शक जुया गबेत तुंक तुंक स्वया च्वना ।
तर चुरोटया कुँ क्षण पट्टि पिहाँ वया च्वन, क्षण क्षण पट्टि हानं
फसय् तना वना च्वन । धोधी जुया पिहाँ वोगु चुरोटया कुँ उखें
थुखें सना गबलें च्वय् वन, गबलें न्ह्या वन, थय्क स्वय्बले चुरोटया
कुँ थःगु अस्तित्व मतंकेत सुं नाप लवाना च्वं थें च्वं । तर धोधी
ख्वातुक पिहाँ वोगु कुँ मृत्यु नापं ल्वा ल्वां सालुसे छ्याल बिछ्याल
जुया वन । अले मृत्युं वयात स्याना बिल- छ्याल बिछ्याल जुजुं
फसय् तना वन । थुकथं हे चुरोटया कुँया जीवन, न्ह्याना च्वन,
दिना च्वन, फुना च्वन क्षण क्षण पट्टि ।

मृत्युं पिहाँ वोगु चुरोटया कुं फसय् पाया पाया कनासां
मृत्यु नाप त्वाना च्वन । जीवन संघर्षशील धका जितः ध्वाश्वीका
च्वन । अले मानवताया बाखं कना च्वन ।

मनू जन्म ज्वी । गनं गनं वया पृथ्वीया छह्य सन्तान जू वोह्य
मनू मचां निसें बुढा तक संघर्षया संघर्ष जक यायां छन्हु सिना
वनी । बुक्को मनू सीमा । श्व प्रकृतिया अकाट्य कानून । ख नं
बुक्को मनू थन सिना हे च्वन । तर सी धुकूपि सुहे म्वाना मनो ।
श्व नं प्रकृतिया कानून हे ला खः नि ।

प्रकृतिया कानून । थुकियात त्वाथले फुपि श्व विश्वय् सु हे दु ।
लः च्वं ववय् न्ह्याना हे च्वन । ववं च्वय् गवले मन्ह्या । अथेहे मनूत
नं जन्म जुया सिना वनी । सी धुकूपि म्वाना वइ मखु । श्व विश्वय्
गुलि मनूतय् जन्म ज्वी धुकल, गुलि मनूतय् मृत्यु नं । तर थौं तक
सुनानं मस्युनि—मनू गनं वया गन वनि । अन्धविश्वासी धार्मिक ग्रन्थ-
तय्सं धया च्वंगु दु—मनूयात छनं जन्म बी अले मनू सितकि धर्मात्मा
जूसा स्वर्गय् वनी पापात्मा जूसा नरकय् वनी । तर श्व विश्वय्
धर्मात्मा धयापि हे सु दु ? मनूत फुकसिनं मे, दुगु फैतय्तं म्वा म्वाकं
स्याना ला नया च्वंगु दु, हि त्वना च्वंगु दु । बुद्ध स्वयानं शान्त
जुया प्रकृतिया मुलय् छना च्वपि सिमातय्त लाखः पिया दन् दन्
छत्रय्का च्वंगु दु । लखं लख कीतय्त न्हु जर न्हुया स्याना च्वंगु दु ।
॥ भिसा जगत भि धाइपिनिगु संसारय् अले गोह्य हे धर्मात्मा दइ ?
अयूसा सिक्को मनूत नरक वनीपि ? नरक धयागु हे गन ? स्वर्ग श्व
थन धका स्यूपि नं ला सुं मदु । अयूजूसा स्वर्ग धयागु शब्द हे गनं
पिहाँ बल ? नरक धयागु शब्द हे सुनां पिकाल ? थौंतक सुं मनू
स्वर्ग वना लिहाँ वोगु जि मस्युनि, मानवताया इतिहासं मस्युनि ।

अथेहे नरक वना लिहाँ वोगु नं सुनानं मखनि, मस्यूनि । अयसा मनू सितकि गन वनी ? थ्व खँ सुनानं मस्यू । थुलि हे जक स्यू-मनू सितकि कर्णदिपय् यंका उना छवइ । अले नौ जुया चाय् मिलय् ज्वी, कुं जुया फसय् । थ्वला मनूया ह्याया जक खँ जुल । कर्णदिपय् ला मनूया ह्य जक उना छवइ । सीह्य मनूया आत्माला उइ न्ह्यो हे गनं तना वने धुंकी । अले धार्थेयाह्य मनू अर्थात् मनूया आत्मा गन वन लय् ? लिसः मदुगु छगू न्ह्यसः । तर चुरोटया कुं चाक चाक लाक पिहाँ बया धया चवन-मनू सितकि स्वर्ग व नरक मखु शून्यय् विलीन जुया वनि ।

बुक्व मनूत छन्हु सीमा । सुनानं पनां पने फइ मखु । सीगु हे मनूया धर्म अले सीगु हे मनूया अन्तिम लक्ष्य नं । मनूया उगु धर्म अले मनूया उगु लक्ष मनूया इच्छाय् आधारित मजूसं मनुखं व धर्म मानय् याय् हे मा, उगु लक्षय् थ्यंके हे मा । खला मनूतय् सी मये फु । अज्ज गुम्हेस्यां थ्व पृथ्वी, अले थ्व ब्रम्हाण्डया हे अन्त मजृतले म्वाना चवनेगु नं इच्छा दय् फु । तर इच्छा जक दयां छु याय् यदि व इच्छायात पूर्ति याय् गु ताकत हे बयाके मदुसा ।

जि नं छम्ह मनू-मसिसें मगापि प्राणीत मध्ये छम्ह प्राणी । थः थिति, पासापि अज्ज थ्व विश्व हे तोता छन्हु वने मानि गन गन जि मस्यूगु थासय् सुनानं हे मस्यूगु थासय् । म्हुत्तं पिहाँ वोगु चुरोटया कुं फत्तय् तना वंथें जि नं छन्हु तना वनीतिनि । उबले जितः न्ह्यःम्हेसिनं न्ह्याथाय् मासां त्वीके फइमखु खकेफइ मखु । ष तंम्ह तनं जुया वनी । जिगु मृत्युइ धन गुम्हं छवइ, गुम्हं न्हिली । तर न्ह्याम्ह न्ह्याकव हे बःसां न्ह्याम्ह न्ह्याकव हे न्ह्यूसं जि खवसः व न्ह्यूसः ताइमखु । न त जिगु सन्देश हे सुनानं ताइ । खला मेमेपि मनूतय् थें जितः नं सीगु इच्छा मदु । न्ह्याबलें न्ह्याबलें धन

म्बानाच्चने मास्ति वो । तर छुयाय् प्रकृतिया तानाशाही राजय्
स्वैगुं इच्छायात थाय् मदु । उकि दोसां मयोसां काल वलकि थन
बुक्व मनू सी हे मा । मस्तिसे मगापि माँ-बौया सन्तान जूगुलिं जि
नं छन्हु सी हे मानी । कालं जितःन छन्हु सातु साला या न्याय्की
तिनि । जनबहाद्योया रथ तीन धारां साला असं त्वालय्, असनं
लाय्कू अले लाय्कुलिं लगमय् थ्यका रथ-यात्रा क्वचाइ थै जिगु
जीवन रथ नं मचां ल्याय्म्ह ल्याय्म्हं बुढा थ्यनेव क्वचाइ तिनि ।
जिगु जीवनया रथ यात्राया नं या न्याइ तिनि । उकि हे ला चुरोटया
कुं जितः हिस्याना च्वंगु- जिगु जीवनया अन्त मृत्यु धका ।

म्हनुं पिहाँ वोगु चुरोटया कुं फसय् इतः मतः कना तना
वना च्वन । मनूतय् जीवनया अन्त मृत्यु खः धका कानूनी तर्क पेश
याना च्वन । तर अय् नं जितः पत्या मज्जु जि नं छन्हु सी तिनि धका
छाय्कि जितः गबले हे सी मयो । सीगु जिगु धर्म खसां, मानव-
ताया लेंपु खसां मसीत जि न्ह्यागु नं प्रयत्न याय् ।

छम्ह मनूया नातां मानवताया विकासय् जितः गौरव दु
अले मानवताया शक्ति व बुद्धिस बमण्ड । पशुत सरह जंगलय् जक
चाहिला असभ्य जीवन हुना च्वपि मनूत थौं विश्वया सर्वश्रेष्ठ प्राणी
ज्वी धुकल, विश्वया मालिक ज्वी धुकल । विज्ञानया लिधंसां मनुखं
प्रकृतियात हे थःगु नियन्त्रणय् तय् धुकल । उकि धाय्फु छन्हु
मनुखं मृत्युयात नं थःगु नियन्त्रणय् तइ तिनि । अले छन्हु मनुखं
कालयात नं ख्याना छवइ तिनि । उकि जितः थन न्ह्याबले म्वाना
च्चने मास्ति वो । छन्हु मनू मंगल ग्रह व चन्द्रलोक जक मखु
फुक्क ब्रह्माण्डया हे मालिक जूगु स्वयत् । अथे मखुसा मनुखं दय्कूगु
हाइड्रोजन बम् व आयटम् बम् तज्याना थव विश्वय् पूर्ण शान्ति
वोगु स्वयत् जि न्ह्याबले न्ह्याबले थन म्वाना च्वने मास्ति वो । उकि
जि थः मसीत न्ह्यागु नं प्रयत्न याय्, न्ह्याहा नापं नं त्वाय । चुरो-

टया कुं म्हुतुं पिहाँ वयालि तना वना च्वन। अले तने न्ह्यो सुं नाप संघर्ष यांना च्वन। चुरोटया कुंजि नं छन्हु सी तिनि धका ववात्तु-
ववाना नं सी न्ह्यो मसीत फक्क संघर्ष याय्गु सत्लाह विया च्वन। तर
अपशोच ! जिं थ्व मस्यु कि सु नाप ल्वासा जि मृत्युं वचय् ज्वी
फइ। जिं थुलि हे स्यू-ई न्ह्या वं लिसे जिगु मृत्यु नं सतिना वइ।
उकिं ज्वीफु ई मन्ह्यात धाःसा जिगु मृत्यु नं अनतुं च्वं च्वनी। अले
मृत्युं जितः स्याय् फइ मखु कालं जितः थो फइ मखु। उकिं जि थः
मसीत ई यात हे दिकेगु बिचाः यांना।

ई यात दिकेगु बिचारं जि ईयात नाप लाना। अले ई नापला-
य्बं जि वयात न्ह्याबलेंया निति दीगु प्रार्थना यांना जि मृत्युं वचय्
ज्वीत। जिगु प्रार्थना न्यनेवं त्यानुया च्वंगुलि ला मस्यु, ई तक्क
दिना बिल। तर गजब। ई जक दीवं चाहिला च्वंहा पृथ्वी न दित।
अले थन सृष्टि दित, मानवतायां प्रगति दित, विकाश दित। जि
मृत्युं वचय् ज्वीगु खँला गन वं गन, ऊन अःखः मृत्युं फुक्क मनूतय्त
छकलं नुनेगु स्वत। उकिं जि काचा काचा वना ई यात हानं न्हापा-
थें तुं न्ह्याय्गु प्रार्थना यांना। ई न्ह्यात, पृथ्वी चाहिला, मानवतायां
सृष्टि न्ह्यात, प्रगति न्ह्यात अले जिगु जीवन-रथ नं न्ह्यात छन्हु मृत्यु
नापलाय्त। मृत्यु विरुद्ध जिगु संघर्ष असफल जुल। जिगु जीवनया
अन्त मृत्यु हे जुल। उकिं हे ज्वी म्हुतुं पिहाँ वोगु चुरोटया कुं जितः
लाय् लाय् बुया च्वन-“छं न्ह्याक्क हे प्रयत्न यासां छ मृत्युया
शिकारं वचय् ज्वी फइ मखु।” थुलि धयाः थःनं तना वना च्वन।

चुरोटया कुं छु खः ? थय्क स्वयं बले ला छु नं मखु थें च्वं।
म्हुतुं पिहाँ वय् साथं तना वनी। तर वहे चुरोटया कुं गुलि गुलि
कवितय्त कविता च्वय्गु शक्ति बिया च्वन, गुलि लेखकतय्त लेख
च्वय्गु ताकत। मनूतय्सं पित्यासां फुधंसां त्वनीगु चुरोटया कुं इ

न्ह्याम्हेसिनं न्ह्यागु खंसां जि उकी मानवताया न्ह्याय्कं खना च्वना ।
 अले जिगु धर्म, कर्तव्य व भविष्यया छगू छगू खँ खना च्वना ।
 चुरोटया कुँ म्हुतुं पिहाँ वय् वं उखें थुखें सना फसय् तना वनी गुकी
 जि छहा मनूया पू वंगु जीवन खना च्वना । चुरोटया कुँ म्हुतुं पिहाँ
 वय् वं तना वनी । उकिं जि श्वीका च्वना-बुक्व मनूत छन्हु सी
 तिनि । उकिं जितः आ गय् थें मस्यु. चुरोटया कुँ खन कि जि न छन्हु
 सी तिनि धका लुमना वो । अले श्व नं लुमना वो, छन्हु सी मासां
 म्वाय्त संघर्ष याय्गु जिगु धर्म खः ।

